

Zeitschrift: Annalas da la Societad Retorumantscha

Herausgeber: Societad Retorumantscha

Band: 75 (1962)

Artikel: Chanzun da libertà

Autor: Nolfi, Padrot

DOI: <https://doi.org/10.5169/seals-226207>

Nutzungsbedingungen

Die ETH-Bibliothek ist die Anbieterin der digitalisierten Zeitschriften. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. Siehe Rechtliche Hinweise.

Conditions d'utilisation

L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. Voir Informations légales.

Terms of use

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. See Legal notice.

Download PDF: 21.05.2025

ETH-Bibliothek Zürich, E-Periodica, <https://www.e-periodica.ch>

Chanzun da libertà

Ün di d'inviern, di fraid e s-chür
 As insclerit il firmamaint —
 Per nossa val qua füt madür
 Ün grand solen evenimaint.
 Refrain: Lodain e dechantain
 Cun pleds e cun chanzuns
 Ed in memoria tgnain
 Il fat da noss babuns.

Tras nossa val sco'l vent alpin
 As deraset la novità
 Cha tras celest e bun destin
 Ans füt concess la libertà.
 (Refrain)

Ed our dal guad s'udiv' ün clom
 «O pür t'allegra paur grischun
 Cha libra ais la val dal Rom
 Cha liber ais nos vegl chantun.»
 (Refrain)

Da 'Som Givè al Chavalatsch
 Dal Piz Starlex al Piz Minschuns
 As deliberet ün vegl terratsch
 Da ducas, cunts e da baruns.
 (Refrain)

Ün vegl guvern füt cumbattü
 Da Val Müstair el gnit s-chatschà
 Da nossa patria füt sbandi
 Per hoz, daman e saimpermâ.
 (Refrain)

Fintant sur munts las stailas van
 Sco'ls vegls Reziens vulains avdar
 Fintant sur pizza vain daman
 Pro nos Grischun vulains restar.
 (Refrain)

Padrot Nolfi